



**Il Circul Culturâl e Ricreatîf "La Pipinate" di Sclaunic**  
cu la poie de Ostarie Leterarie Contecurte

Al presente

**VINARS 22 ZENÂR**  
**AES 20.30**  
**A SCLAUNIC**  
li de canoniche, vie San Giovanni Bosco, 9

**SPETACUL DI LETURIS E PRESENTAZION DAI LIBRIS**

**Contis di famee** (ed. Kappa Vu)  
(ed. Forum) **Soreli jevât a mont**  
di Raffaele Serafini

*Contis furlanis e par furlan di un Friûl di pais, lontan dai stereotips, cum dentri il Giappone e dulà che no si rive ben a viodî il confin fra realtât e fantasie.*

**Leture di une Conte inedita sclauniche**

Al disturbarà l'autôr: Luca Pagot  
A lejaran: Checo Tam (from Contecurte),  
Michele Londero (from Dret&Ledrôs),  
Alice Passone (from Sclaunic)  
Incomuts musicai di: In doi rive no tocje  
*Il libri si puodin cjatâ li de mercerie Giambigi Sclaunic*

*Jentrade libare, ma no si à di lassâsi come cjans*

Chest 2016 il vuestri Ostîr al scomence cuntune vore di iniziativa e ve chi, la prime, che e je inmaneade dal **Circul Culturâl e Ricreatîf LA PIPINATE** di Sclaunic, ma che e à come jutori nuemancul che la nestre ostarie, fuarte di famei e berlon. Di ce si tratie?

Un **spetacul di contis curtis par presentâ i doi libris dal Ostîr**, par fâ cualchi cjacare su la narrative curte, par sintî un pocje di musiche... viodi cualchi disen, forsit cualchi fotografie... insome, dut fûr che une presentazion noiose.

Chi parsore o vês la locandine in jpg di scjamâ, e se o volês sparnicâ la robe ator, **ve chi la pagine dal event facebook dulà che si pues fâ i invîts** e dulâ che si cjataràn dutis lis gnovis sul event.

Ma nô us lassin **10 bogns motîfs par vignî a Sclaunic il 22 di Zenâr**:

1. Si presenterà il libri **Contis di famee**, cum il nestri berlon de ostarie, *Michêl*, che nus regalarà une performance... eroiche!
2. Si presenterà ancje **Soreli jevât a mont**, e magari o scuvierzarin ce che a son chescj benedets yokai, e cemût che si scrîf un haiku par furlan, e soregut il nestri famei,

*Checo*, nus leiarà pe prime volte in public une conte dal libri che al à vinçût il San Simon. Robis di... insumiâsi!

3. *Luca Pagot*, from *Pipinate*, al stiçarà il vuestri ostîr a disvelâ cemût che si scrîf une conte di famee e cemût che i è saltât tal cjâf di lâ a cirî gnot in Gjapon.
4. O varin l'onôr, drete drete from Sclaunic, di vê une letore, *Alice Passone*, che no dome e sarà di jutori a berlon e famei, ma nus leiarà une conte... regâl!
5. Si podaràn viodi i disens origjinâi de cuviertine dal libri di *Soreli jevât a mont*, che a son ancje un tichinin incuietants
6. Si podarà sintî un duo che za dal non al è dut un programe e che al à il disc gnûf che al sta par vignî fûr: *In 2 rive no tocje* a saràn i responsabii dai incomuts musicâi
7. Si podarà scoltâ une conte inedite scrite di pueste par la serade che e cjacare di Sclaunic, e tire fûr un personaç storic dal paîs e forsit... us fasarà pôre!
8. Al sarà tal public un contecurtâr che al ven di lontan e che al è in patrie par cualchi di: *Nello Malisano*, fantats, in cjar e vues! E o contin di viodi ancje cualchi altri contecurtâr...
9. Forsit lis contis ineditis a saràn dôs...
10. In grazie dal Circul Culturâl, nol vignarà permetût di lassâsi come cjans...

Insome... cemût mancjâ?

E ve chi, par cui che al à voie lis robis cuntun pocje di oficialitât, ancje il comunicât stampe de robe.

### **Presentazion dai libris**

#### **“Contis di Famee”**

(Ed. Kappa vu 2015)

**“Soreli  
jevât a mont”**  
(Ed. Forum, 2015)

**di Raffaele Serafini**

Canoniche di Sclaunic - Vie San Giovanni Bosco, 9, Listize (UD)

Vinars ai 22 di Zenâr 2016 - aes 8 e mieze sot sere

Il *Circul Culturâl e Ricreatîf "La Pipinate" di Sclaunic*, cu la poie de ostarie leterarie virtuâl *Contecurte*, al inmanee un **spetacul di contis curtis** par presentâ i lavôrs di narrative in lenghe furlane dal so compaesan *Raffaele Serafini*, autôr di "**Contis di famee**" (ed. Kappa vu, 2015) e "**Soreli jevât a mont**" (Ed. Forum, 2015) editâts ducj i doi in tal mêis di Otubar dal an passât.

I doi libris a son racueltis di contis, une vore diferents in tai contignûts. *Contis di famee*, finalist dal Premi San Simon di Codroip tal 2014, al cjape sù lis sôs storiis di un arbul gjenealogjic di une famee dal Friûl di mieç, contantlis in maniere originâl e slontanantsi dai stereotips de furlanità.

*Soreli jevât a mont*, invece, al jentre di brut intal mont de fantasie e de internazionalità, lant a cjoli lis sugjestions de mitologjie e poesie gjaponeze (yōkai e haiku) e intiessint une trame fate sù ator di lûcs e personaçs dal Friûl mancul cognossût (di chei che a van di sfros a lis striis, dai puescj maraveôs ai personaçs innomenâts).

L'event si davuelzarà inte sale de Canoniche di Sclaunic. Al cjacurarà cul autôr *Luca Pagot* e al sarà complit dal estri di *Checo Tam*, *Michele Londero* e *Alice Passone* proviodi a une leture seniche dai tocs. A inricji la serade e sarà ancje la musiche dai *In 2 rive no tocje*.

Ae fin de serade e vignarà lete une conte inedite, ambientade a Sclaunic, che no je dentri dai libris e e je stade scrite pe ocasion.

Jentrade di rive jù, ma... come che dîs la locandine, no si à di lassâsi come cjans!